

¡BOMBA!

Después de pleitos bancarios,
sin la denuncia formal,
nos espeta su fiscal
que somos sus adversarios



K'intsil

Edición de fin de semana, del viernes 27 al domingo 29 de junio de 2025

CAMPECHE · YUCATÁN · QUINTANA ROO · AÑO 10 · NÚMERO 2508 · www.lajornadamaya.mx

CH'ÚUY,

MINA'AN ULÁAK' JE'EX LETI'O'
YÓOK'OLAL BIX U TSÉENTIKUBÁAJ



U k'aaba' ich káastelan t'aane' *caracolero común* (*Rostrhamus sociabilis*), ba'ale' noojol-lak'ine' K'ajóolta'an beey gavilán caracolero. Juntúul ch'iich' ka'aja'an tu'ux yaan humedad tu noojolil Quintana Roo, yéetel tu baantail u ríosil Kaanpech; yóok'olal bix u tséentikubáaje', mina'an uláak' je'ex leti'o', tu ya'alaj Juan Flores Valadez, máax jo'olbesik Programa de Aves Urbanas de Cancún de la NABCI-Conabio.

Jbiologoe' tu ya'alaj u yantal ch'iich' ti' ak'alo'ob je'ex Bacalare' u chiikualal uts yanik u kuxtal K'áax, ba'ale' beyxan u k'a'ajesajil unaj u yúuchul meyaj ti'al u kaláanta'al ba'alche'ob.

Ch'iich'e' k'as suuk u yila'al Bacalar, tu'ux uts yanik ba'al ti'al u janal yéetel u yantal u mejenil.

Tu tsolaje', juntúul ch'iich' ku máan ookol ts'o'oke' jach tu beel u beetik, ichil u lu'umil América,

tumen beey u kaxtik u yo'och; le beetike', chéen jump'éel ba'al ku chukik ti'al u jaantej: u úurichil ja', tu géneroil Pomacea.

Tu ya'alaje' méek'a'an tumen baatsil Accipitridae, tu'ux táaka'an xan uláak' i'ob yéetel ch'iich'o'ob óoli' je'ex le je'elo'. Ku p'isik kex 48 cms u chowakil, yéetel chowak beyxan kóoch u xiik', le beetik ku béeytal u xik'nal yóok'ol pantanos yéetel

humedales ti'al u kaxtik u yo'och. U k'u'uk'mele' jejeláas u boox boonil, yéetel u wiinkilale' ma' seen poloki', chowak u xaaw.

Uláak' ba'ale', u looloch u koj, beeta'an ti'al u béeytal u t'óochik úuricho'ob. Le beetik mina'an uláak' je'ex leti'o', ba'ale' láayli' le je'elo' ku beetik u p'áatal ich sajbe'entisl tumen u janale' yaan ba'al u yil yéetel wa yaan, wa mina'an, le mejen ba'alche'ob te'el ich ja'o'.

MIGUEL AMÉNDOLA

OOCHEL MICHAEL E DRUMMOND

ESPECIAL: FAUNA NUESTRA | P. 42 YÉETEL 43